

۱۲
۱۴

جَزَائِرَ عَجَائِرَ

جمعه ایرتسی

تومرو	رمضان	سنه	مارت	سنه	صفحه
۸۱۳	۱۹	۱۳۱۲	۴	۱۳۱۱	۱۱۳۲۵

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی غروش)
(حسابیه التمش غروشدر . طشره لر ایچون اون بش غروش پوسته اجرقتی ضم اولنور . بهر)
(نسخه سی ینه مجیدیه یکریمی غروش اولوق اوزره یوزپاره یه هر یرده صاتیلور . درج اولنه جق)
(اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
(دأره سنده کائن جریده محاکم اداره سنه مراجعت ایملیدر)

• بک اوغلی بدایت محکمه سی اعضاسندن ثریا افندی یه •

• بک اوغلی بدایت محکمه سی اعضائی کرقور

• کوپلیان افندی یه •

• درسعات ایکنجی تجارت محکمه سی اعضائی

• محکمه تجارت بحریه اعضاسندن سعادتلو کاظم

• افندی یه •

• درسعات تجارت بحریه محکمه سی اعضائی

• بدایت محکمه سی اعضاسندن قالیارکی افندی یه •

قسمت سیمی

توجیهات

• درسعات استیناف محکمه سی اعضائی بدایت

• محکمه سی مستنطق اعضاسندن عزتلو کال بکه •

• درسعات بدایت محکمه سی مستنطق اعضائی



در سعادت بدایت محکمه سی اعضائی بک اوغلی
بدایت محکمه سی اعضا شدن عزتو الیاس مطر
افندی به *

بک اوغلی بدایت محکمه سی اعضائی در سعادت
ایکنجی محکمه تجارت اعضا شدن یحیی بکه *

در سعادت استیناف محکمه سی اعضا ملازم ملک
ایدین ولایتی استیناف محکمه سی حقوق قسمی اعضا
لغنه بولنمش اولان فضیلتو حاجی محمد فهمی
افندی به *

در سعادت بدایت محکمه سی ایکنجی جزا داره
سی اعضا ملازم ملک علاوه مأموریت اولمق اوزره
داره مذکوره باش کاتبی زکائی بکه *

اسکدار بدایت محکمه سی اعضا ملازم ملک
محکمه تمیز میر لرندن صبیح بکه *

چورم سنجائی بدایت محکمه سی جزا ریاستی
نیکده سنجائی بدایت محکمه سی جزا رئیس سابق
عبد اللطیف افندی به *

چورم سنجائی بدایت محکمه سی مدعی عمومی

معاونتکی توقاد سنجائی بدایت محکمه سی مدعی
عمومی معاونت کردن مستغنی اسماعیل افندی به
تقویض بیورلش ومومی الیهمک ذات شوکتسمات
حضرت خلافتناهی به ودولت علیه رینه صادقانه
ایفای خدمت ایدجکلرینه ومغایر عدالت حرکاتده
بولنیه جقلرینه دائر امر تحلیفلر اجرا قلنمشدر *

(رتبه)

بک اوغلی مقاولات محرری سعادتو عبدالله
نعمه افندی حضرتلرینه ترفیعاً رتبه اولی صنف
اولی *

بتلیس استیناف محکمه سی مدعی عمومی
سعادتو حمدی افندی به قدمنه ووظائف مأموریتنک
حسن ایفا سنده مشاهد اولان غیرته مبنی ترفیعاً
رتبه اولی صنف ثانیسی *

خدمات ممدوحه سی جهتیله قوصوه ولایتی
مرکز بدایت محکمه سی مدعی عمومی معاونی

سابق عزتو اسماعیل حتی بکه رتبه ثانی صنف
متمایزی *

وظائف مأموریه سی حسن ایفاده اقدام
ومساعیسی مشاهد اولسنه مبنی موصل مدعی
عمومی معاونی موسی کاظم افندی به رتبه ثالثه
توجیه بیورلشدر *

در سعادت بدایت محکمه سی ایکنجی جزا
داره سنده اوچوز اون سنه سی مارتی ابتدا شدن
اعتباراً بر سنه ظرفنده رؤیت اولنان دعاوینک
مقداریله در دست بولنان خصوصات

۲۸۶ اوچوز طقوز سنه شدن
۱۴۹۹ اوچوز اون سنه سنده حواله اولنان

۱۴۸۱ اوچوز اون سنه سنده تحت حکم وقراره النان
۸ اسباب قانونیه به مبنی اعاده قلنان
۶ تعلق وجهله دیگر اوراقله بر اشدیریلان
۱۴۹۵

در سعادت بدایت محکمه سی برنجی جزا داره
سنه بیك اوچوز اون سنه مالیه سی ظرفنده
بیك سکر یوز قرق یدی مواد ورود ایدوب
سنه سابقه دن یوز یتیش ایش ایله ایکی بیك
اون یدی به بالغ اولان مواد دن بیك سکر یوز
اون طقوزی تحت حکم وقراره النسنه و یوز طقسان
سکر عددی دخی اسباب موجب قانونیه به مبنی
اوچوز اون بر سنه سنه دور ایدلشدر

۱۷۸۵ محول
۱۴۹۵ رؤیت
۲۹۰ سنه نهایتنده ورود ایتسندن
ویا خود تحقیقاته لزوم کورلشندن
ناشی سنه آتیه به دور اولنان

قسم غیر رسمی

مبنی حکم سابقک اعطاء قلندی اکلان شلمش ایسه ده
مدعیه جنت خاتون کسندوسنی جرح وزوجنی
قتل ایدن متهملردن حسین اولدینی تشخیص
ایتمکله و ذاتاً حسینک عرض عداوتنه دائر بر طاقم
امارت و اخبار اندن دخی بحث اولمغله برابر
وقعه نیک ایچنده ک زیاد بولنش و حتی الندن نفسکی
دخی النمش اولان مزبور جنت خاتون کرد
محمد دائر برشی سویلماش و دامادی حاجی احمد
ایسه کرد محمدی قطعاً تشخیص ایتماش اولدقلر
ینه مبنی بو کرد محمد حقنده اثبات ثبوتیه اساساً
حاجی احمدک زوج سنی صورت قطعیه ده
تشخیص ایتمی ایله کرد محمدک مجرد حسینک
رفقاسی طرفندن ایقاع اولنش اولق احتماله
و کرد محمدک خانه سی جوارنده بولنان تفننک
وقه کیجه سی مدعیه جنتک الندن اشخاص
متجاسره دن برینک الدینی تفنک اولدیفنک مدعیه
طرفندن بیان ایدلمی صورتنه منحصر قالوب
حالبوکه مدعیه لردن یالکز برینک کرد محمدی
تشخیص ایتمسینه انضمام ایدن دلائلک قرائن
قاطعه درجه سنده اولمی مقتضی اولمسيله بونک
دخی خانه سی ایله محل وقه بینده اولان مسافه نیک
و بحث اولنان تفنک بونک خانه سنی قنی جوارنده
بولنش اولدیفنک کشف و معاینه سی و تفنکی

بایندر قضاسنه تابع قزلبه کوی قریه لی یورک
دلی بکر اوغلی عمر دانی ایله اوغلی دده احمدک
قتل اولنلردن دولای اتهم اولنان قضاء مذکور
رده واقع جامع محله سنده ساکن اسکچی حسین
ایلله کرد محمدک بعد النقض اجرا قلنان محاکمه
عانیه لرنده دخی قانون جزانک یوز یتیش دردنجی
ماده سنی توفیقاً کافی السابق اون بشر سنی مدله
کورکه قولملرینه حکم اولدیفنی متضمن ایدین
ولایتی استیناف محکمه سی جزا دائره سندن اخیراً
ویریلان ۱۶ تشرین ثانی سنه ۳۱۰ تاریخ ودرت
یوز اوچ نومرولی اعلام ایلله اوراق متفرعه سی
باش مدعی عمومیلک مأوریت علیه سندن ه کانون
ثانی سنه ۳۱۰ تاریخ و اوچیک طقسانیدی نومرو
لی تبلیغنامه ایلله محکمه تمیز جزا دائره سنی اعطا
اولمغله لدی التدقیق تبلیغنامه ده بیان قلندی
وجهله متهملردن کرد محمد حقنده تدقیقاتک
توسیعی لزومندن طولای اعلام سابق نقض
اولنش اولدینی حالد اعلام اخیرده اولکی اسبابه

بولانلره مدعیه لریک اولدیفنی خبر ویرنلرک محکمه
جه استماعی و بو محمدک خانه سی اوکنده اتیلان
سلاحلری ایشیدن و متعاقباً اورایه کیدن اولما
مشمیدر و حسین ایلله مدعیه لر اده سنده ظهور
ایتمش اولان قوچ نرعی مسئله سنی محمد تعلق
وارمیدر بورالرینک تحقیق و مجروح مقتوللرده
کوریلان برر قورشون یاره سنی بولنرک قفسینک
سلاحی مریم سنی موافق اولوب اولدیفنک تدقیق
لابد و سالف الیابان نقصانی تدقیقات حقنده واقع
اولان نقض بوکی نواقصک اجمال و اجرا سنی
حائدا یکن ینه اولکی تدقیقاته بناء ویریلان حکم
مذکور شایان تصدیق اولدیفندن اصول محاکمات
جزایه قانوننک اوچبوز اون دردنجی ماده سنی
توفیقاً ذکر اولنان اعلامک دخی بر موجب
طلب اکثریتله نقضه و تمیز اعلامی خرجی اولان
ایکیوز غروشک بالتحصیل محکمه تمیزه لزوم
ارسالنه ۲۵ کانون ثانی سنه ۳۱۰ تاریخنده قرار
ویرلدی .

فی ۱۸ شعبان سنه ۳۱۲

وفی ۱ شباط سنه ۳۱۰

امام سیده واقع قشله جق قریه لی اسماعیل
کنخدا اوغلی محمدک قتلندن طولای جنایتله
اتهام اولنان شروانی اوغلی موسانک بعد النقض
تکرار جریان ایدن محاکمه سنده قانون جزانک
یوز یتیش دردنجی ماده سنی تطبیقاً اون بش سنی
مدله کورکه قولملرینه حکم اولدیفنه دائر امام سیه
سنجانی بدایت محکمه سی جزا دائره سندن ویریلان
۲۳ ایلول سنه ۳۱۰ تاریخ و یتیش سکر نومرولی
اعلام ایلله اوراق متفرعه سی باش مدعی عمومیلک
مأوریت علیه سندن ۹ کانون ثانی سنه ۳۱۰
تاریخ و اوچیک سکمان یدی نومرولی تبلیغنامه
ایلله محکمه تمیز جزا دائره سنی کوندرلدیکندن
لدی التدقیق تبلیغنامه ده دخی کوسرلدیکی اوزره
محکمه تمیز اعلام منه نظراً نقض واقع یالکز
مجرمیت قرارینه تأثیر ایتمش و بناء علیه اندن
اولکی معاملات محاکمه غیر منقوض و معتبر بولنش
اولمسيله اشبو محاکمه او نقطه دن مباشرت اولنمی
و طرفین استماع اولندقدن صکره مجرمیت مذاکره
سنه کریشلمی مقتضی ایکن یکیدن محاکمه
اجراسی و شهود جلب و استماعی کی معاملات
ایلله منقوض اولیان جهاته تجاوز ایدلش اولمسینه
مبنی اصول محاکمات جزایه قانوننک اوچبوز
اون دردنجی ماده سنی توفیقاً اعلام مذکورک

نقضه وایکوز غروش خرج اعلامك اخذيله
محکمه تمیزه ارسالی لزومه ۲۵ کانون ثانی سنه ۳۱۰
تاریخنده قرار ویرلدی .

فی ۱۹ شعبان سنه ۳۱۲

وفی ۲ شباط سنه ۳۱۰

القسم استماع اولنان واقاده لری او قونان شاهدلرک
شهادت لرینک متهمك تفنك اتوب مقتولی یر
دوشور دیکنه دائر اولدینی مجرمیت قرار نامه سنده
بیان اولنیور ایسه ده بوضورت یالکر افاده سی
او قونان برینک قولی اولوب دیگر لرینک شهادتی
او یولده اولدیفنه یعنی تفنکی انارکن کورمدکر
ینه دائر اولسنه و مهم مرقوم ایسه بر قزماده سنندن
دولابی علیه ده ابتدکی شهادتدن منبعث انفعال
ایله مقتولک هجوم ایلدیکنی سویامش اولسنه
منی بوشهادت ماده سنک تدقیقی برکونه معذرت
قانونیه به منی اولدینی حلاله محکمه به کتور لاش
اولان شاهدلرک اصولاً احضار یله استماعی جهتلرینک
عدم اجرایی مخالف قانون اولدیفندن اصول
محاکمات جزائییه قانونک اوچوز اون دردنجی
ماده سنه توفیقاً اعلام مذکورک نقضه وایکوز غروش
خرج اعلامك بالاستیفاسا محکمه تمیزه ارسالی
لزومه ۲۸ کانون ثانی سنه ۳۱۰ تاریخنده قرار
ویرلدی .

فی ۱۹ شعبان سنه ۳۱۲

وفی ۲ شباط سنه ۳۱۰

عونیه قضاسنه تابع بربری قریه لی احمدین
سلیمك ماده قتلندن طولای جنایتله اتهام اولنان
یاری قریه لی عبدوین معینك قانون جزانک یوز
یتش دردنجی ماده سنه تطبیقاً اون بش سنه مدته
کورکه قولنامه سنه دائر مار دین سنجانی بدایت
محکمه سی جزا دائره سنندن صادر اولان ۸ تشرین
ثانی سنه ۳۱۰ تاریخ و یوزاون طقوز نومرو لی
اعلام ایله اوراق متفرعه سی باش مدعی عمومیلک
مأموریت علیه سنندن ۱۱ کانون ثانی سنه ۳۱۰
تاریخ و اوچ بیک یوزیکرمی بر نومرو لی تبلیغ نامه
ایله محکمه تمیز جزا دائره سنه کوندردلرکندن
لدی التدقیق تبلیغ نامه ده کوسترلدیکی وجهله مع

آبدین استیناف محکمه سنندن ۷ تشرین ثانی
سنه ۳۰۰ تاریخی و او توز اوچ عددی ایله ویریلان
اعلامك تمیزینی از میرده مقیم توتونجی علی رضا
افندی باعرض حال استدعا ایلدیکی حلاله یوم معینده
کلدیکی کی میز علیه سنندن منمن قضاسنده مقیم
استماطولا قادین دخی کلدیکنندن دیگر لری کریاقو
واله فی قادینلرک وکیلی پانده لا کی افندینک ایضا
حات شفاهییه سی استماع قلندی .

اعلام مذکورک مآله نظراً مزبورات ایله
مومی الیه علی رضا افندی بیتنده متکون دکان
واراضی دعواسنه دائر منمن بدایت محکمه سنندن
صادر اولان اعلام غیابی علیه ده مومی الیه علی
رضا افندی طرفندن عدم قناعتله مدت قانونیه سی
طرفنده اعتراض علی الحکم عرض حال اعطا قلمش
ایسه ده مغرض مومی الیهك معامله تبلیغیه بی
متعاقباً اجرا ایتدیر میوب اره دن بش ماه مرور
ایتد کدنصرکه رسوم لازمه بی اعطا و تبلیغ معامله
سنی اجرا ایلدیکی اکلاشلش و اصول محاکمه
حقوقیه قانون موقتک یوزاللی التبعی ماده سننده
ایسه بوکی اعتراض استدعاسنک بلا تأخیر خصم طرفنه
تبلیغ اولنه جفی محرر بولنش اولدیفندن بحال
ماده مذکوره حکمنه توفیقاً استدعای مذکورک

ردینه دائر ویریلان قرارک تصدیقه قرار ویرلد
یکنندن و مستدعی مرقوم علی رضا افندینک حکم
مذکور علیه ده کی اعتراضک خلاصه سی اعتراض
استدعاسی مدت قانونیه سی طرفنده اعطا اولدینی
حلاله رد استدعایه قرار ویرلمی مغایر قانون
اولدیفندن بحال اعلام مذکورک نقضی و مدعی
علیهما وکیلی پانده لا کی افندینک جوابی اعلام
مذکور موافق قانون اولدینی جهته اعلامك
تصدیقی طلبندن عبارت بولنمشدر .

ایجابی مذاکره اولندقه اعلام مذکور
مندرجاتندن مستبان اولدیفنه کوره اعتراض
استدعاسنک مدت قانونیه طرفنده ویرلدیکی اعلام
ابتدائی مآله متحقق اولدینی کی سالف الذکر
ماده قانونیه ده صورت استدعانک بلا تأخیر خصمه
تبلیغی لازم کله جکنه دائر اولان فقره دن مقصد
قانونی بوبابده محاکمه اراءه اصولندن عبارت اولوب
تبلیغک تأخیری حالنده استدعانک رد اولنه جفته
دائر فقره مذکوره ده برکونه صراحت و اشارت
موجود اولدینی حلاله محکمه چه ماده مذکوره یه توفیقاً
رد استدعایه قرار ویرلمی مغایر قانون اولدینی جهته
محکمه استینافیه چه حکم ابتدائیک فسخیله اعتراض
دعوانک تدقیق ضمننده بدایت حواله مصلحت

کلیک کردن ایضاحات شفاهی برای استماع قلندی .

اعلام مذکورک مالی مومی الیها مجوهره خانم
ایله مخدومی مرتضی بکک حفید و برادر زادهری
جعفر مصطفی بکک سن رسته وصولده تقریر
رسمی ویرلک اوزره مومی الیه جعفر بک افندی به
یوز بیک غروش بدل ایله بیع و تسلیم ایتیش اولدقلری
معلوم القطعات اراضینک تقریر رسمی اجرا قلندما .
مسندن دولای مبلغ مزبورک مومی الیهان تحصیل
لزومی مقدما تحت حکمه النوب عند التیمیز تصدیق
اولنش ایسه ده اخیراً مرتضی بکک وقوع وفاته
وخاتم مومی الیها متوفای میر مومی الیهک اساساً
یکدیگره کفالتلری بولندینی اولیابده کی سندده
مندرج بولنسنه مبنی مبلغ مذکور دن متوفای مومی
الیه عائد اولان مبالغک دخی مع فائض خانم مومی
الیهان تحصیل حقنده مومی الیه جعفر بک جانبدن
اقامه اولنان دعوانک اخیراً قوصوه استیناف
محکمه سنجه جریان ایدن محاکمات و تدقیقاتی
نتیجه سنده مذکور یوز بیک غروشه فائض
مرتضی بکک عائد اولان ایکی بیک غروشه فائض
اوله رق حساب ایدیلان الی یدی بیک اوچ یوز
برغروشه کن حیث المجموع یوز یدی بیک اوچ یوز
برغروشه مصارف محاکمه واجرت وکالت اولان

اولنشق لازم کلور کن بویولده اجرای معامله
اولنشق قرار ابتدائی مذکورک تصدیق ایدلمی
مغایر قانون اولدیفنه بناء اصول محاکمه حقوقیه
قانون موقتک ایک یوز او توز ایکنجی ماده سی
موجبجه اعلام مذکورک نقصنه وزیرده مفرداتی
مرقم بشیوز اون درت غروش مصارف محاکمه نک
ایلروده حقسنر حقیقه حق طرفه رجوع اتمک
اوزره اول امرده مستدعیدن الخمسنه ۱۰ اغستوس
سنه ۳۰۴ تاریخده اکثریت ارا ایله قرار ویریلهرک
وکیل مومی الیه تفهیم قلندی .

قوصوه استیناف محکمه سنندن ۱۰ نیشان سنه
۳۰۴ تاریخی وایکی عددی ایله صادر اولان
اعلامک تیزیستی استدعا ایدن اشتب قصبه سنک جمعه
محله سنده ساکنه ناظر زاده عبدالقادر بک
زوجه سی مجوهره خانم وکیلی عادل افندی ایله ییز
علیه اماسیه متصرفی سعادتلو جعفر بک افندی
وکیلی محمد افندی تعیین اولنان کونده دائره یه

اوتوز اوچ بیک غروشه برابر اصالت و کفالتیه
بناء خانم مومی الیهان بالتحصیل مومی الیه جعفر
بک افندی به اعطاسنه قرار ویرلدیکنندن و مستدعیه
مجوهره خانم وکیلک قرار مذکور علیهنده کی
اعتراضاتنک خلاصه سی تمیزاً تصدیق اولنان
مقدمکی استیناف اعلامنده اراضی مذکور نک
جعفر بک جانبدن اعاده سی حالنده مبلغ مذکورک
موکله سنندن تحصیلی محرر و اراضی مذکور دخی
الیوم جعفر بک یدنده ایکن محکمه جه بوراسنه
دقت اولنقمسزین مبلغ مذکورک تحصیلنه واجرت
وکالت حقنده جعفر بک ایله موکل بیننده منعقد
اولوب اولیابده کی تعرفیه مخالف اولان مقاوله
نامه نک موکله سنه دخی شامل عدیله یوز لیرا اجرت
وکالتله محکومیتنه قرار ویرلمی مغایر قانون
اولدیفندن بخثله اعلامک نقضی ومدعی علیه جعفر
بک افندی وکیلک نتیجه جوابی دخی اعتراضات
واقعه واهی اولوب حکم استینافی موافق قانون
اولدینی بیانیله اعلامک تصدیق طلبندن عبارت
بولنمشدر .

ایجابی مذاکره اولندقدده اعلام مذکور
مندرجاتندن مفهم اولدینی اوزره مومی الیها
مجوهره خانم و متوفای موالیه مرتضی بک بیننده ذکر

اولنان اراضینک بدلی حقنده تحت ایدن دعویاه
دائر مقدما قوصوه محکمه استینافیه سنندن صادر
اولوت تمیزاً تصدیق قلنان اعلامده اراضی
مذکور نک جعفر بک طرفندن اعاده سی حالنده
مبلغ مذکورک مومی الیها مجوهره خانم مرتضی
بکدن تحصیلی لزومی محرر اولدینی حالده بوکره
محکمه استینافیه جه اراضی مذکور نک مومی الیه
جعفر بک جهتندن تسلیم ایدیلوب ایدلمدیکننه
تعرض ایدلمی واجرت وکالت حقنده وکیل ایله
موکل بیننده منعقد اولان مقاوله حکمی عاقدین
حقنده جاری اولوب بونک شخص آخره تعلق
وشمولی اولدینی درکار ایکن بویابده دخی دعوی
وکیللری نظامنامه سنه عطف نظر دقت اولنمهرق
مومر الیها مجوهره خانمک اجرت وکالتدن دولانی
یوز لیرا محکومیتنه خصوصیه و مصارف محاکمه
میاننده متوفای مومی الیه مرتضی بکک عائد اولان
مبالغک تقریبی لازم کلور ایکن مجموع مصارف
محاکمه نک مومی الیها مجوهره خانم تحصیلنه حکم
اولنسی قانونه مغایر اولدیفندن اصول محاکمه
حقوقیه قانوننک ایکوز اوتوز ایکی وایکیوز فرق
برنجی ماده لری موجبجه اعلام مذکورک نقصنه
وزیرده مفرداتی مرقم اوچ یوز التمش سکر
غروش مصارف تمیزییه نک ایلروده حقسنر

حقیقه حق طرفه رجوع ایتک اوزره اول امرده
محوهره خاندن النسنه ۱۹ تشرین ثانی سنه
۳۰۴ تاریخده منقلاً قرار ویریلرک طرفین
وکیلرینه تفهیم قلندی .

درسمعات بدایت محکمه سی برنجی حقوق
دائرہ سندن ۲۶ تموز سنه ۳۰۲ تاریخ و یوز التمش
القی عددی ایل ویریلان اعلامک تمیزینی استدعا
ایدن بنجه قیوسنده اوتوز طقوز نومرولی دکانده
مقیم صراف واسیل ووالده سی السیاده قادین
وکیللری یورداناکی اقدی ایلہ تمیز علیها قوری
چشمه ده ساکنه اسبق اورفه متصرفی سلیمان
رشدی بک زوجہ سی وصیر اصف بک وصیدی
حوا خانم وکیل جلال اقدی تعیین اولنان کونده
دائرہ کلدکلرندن ایضاحات شفاهیہ لریله باش
مدعی عمومی معاونی سعادتلو یورغاکی اقدینک
مطالعہ سی استماع قلندی .

اعلام مذکورک مالی وصی مومی الیها حوا
خانمک مورثی متوفی سلیمان بکک متوفی پاپاس

اوغلی میخا لاک زمتندہ الاجنی اولان
یوز الی لیرانک ورثه سندن تحصیلہ جز
واقعک تصدیقہ غیاباً و موخرأ اعتراض علی الحکم
اوزرینہ و جاهاً صادر اولان اعلام ابتدائیک
استینافاً تدقیقندہ اعتراض علی الحکم دعواسنک
یوم محاکمہ سنی مبین اولان دعوتیه ورقه لری
طرفینہ امضا ایتدیرلیوب بالکتر کله جکلرینہ دائر
دفتره وضع امضا ایتدیرلمسی و یوم معینده مقرضلر
وکیل اجابت ایتماش اولدینی جهتله اعتراض
استدعاسنک و دی لازم کلور ایکن اساس ماده یه
کریشیلرک بریجق لیراتسلیماتک اجرای محسوبیلہ
اعلام غیابینک تصدیقہ حکم اولنسنک یولسزلغنه
مبنی مقرضلرک حق اعتراضلرینک بقاسنه و کیفیتک
بدایه رؤیتہ دائر صادر اولان اعلام استینافی
اوزرینہ بدایه اجرا قلنان تدقیقاتده خصوص
مدعا به بدایه باقلدینی جهتله بتکرار بدایه رؤیتی
جهته کیدیلہ میه جکنه قرار ویرلدیکندن و مستد
عیلر وکیل یورداناکی اقدینک اشبو حکم علیهنده
کی اعتراضاتک خلاصه سی بدایه اعتراض علی
الحکم عرض حال اوزرینہ یوم محاکمہ مبین کندولر
ینہ دعوتیه ورقه سی تبلیغ و امضا ایتدیرلما سندن
دولابی حق اعتراضلری باقی و حکم استینافی مقصد

قانونه مبتنی بولنش ایکن درجه اولی محکمه سنجہ
محاکمہ لرینک اجراسنه کریشلما سی مغایر قانون
اولدیندن بخلله اعلامک نقضی و مدعی علیها
وکیل جلال اقدینک نتیجه جوابی دخی دعوائی
واقعہ نک بتکرار رؤیتی خارج از وظیفه ایدوکی
بیانیلہ اعلامک تصدیق طلبندن و معاون مومی
الیهک مطالعہ سی شایان قبول کوریلہ ماموش اولدیندن
اصول محاکمہ حقوقیه قانون مونتک ایکوز قرق برنجی
ماده سی موجبہ اعلام مذکورک نقضه وزیرده
مفرداتی مرقم اوچیوز الی طقوز غروش مصارف
محاکمہ نک ایلروده حقسز چیه حق طرفه رجوع
ایتک اول امرده مستدعیلردن النسنه ۱۹ کانون
ثانی سنه ۳۰۴ تاریخده اکثریت ارا ایلہ قرار
ویریلرک تفهیم قلندی .

ایجابی مذاکره اولندقدہ درجه اولی محکمه -
سنجه اعلام غیابی علیهنده مقرضلر جانبندن اعطا
قلنان اعتراض علی الحکم عرض حال اوزرینہ
یوم محاکمہ مبین طرفینہ دعوتیه ورقه لری امضا
ایتدیرلیوب بالکتر دفتره وضع امضا ایتدیرلمسنک
یولسزلغندن دولابی معترضلرک حق اعتراضلری
باقی ایکن بوراسنه عدم دقتله برابر اعتراض علی
الحکم عرض حال اوزرینہ تعیین قلنان کونده معترض
کلدیکی حالده اعتراض استدعاسنک ردینہ حکم
اولتی مقتضی بولندینی حالده بدایه اساس ماده یه
کریشیلرک وورثه دن غائبک حصه سی دخی تقریق

اسکچه تجارت محکمه سندن ۴ حزیران سنه
۳۰۳ تاریخ و اون اوج عددی ایلہ صادر اولان اعلامک
تمیزینی استدعا ایدن اسکچه نک قره اغاج اسکله سنده
مقیم قومیسو نچی حاجی سونیدی وکیل جلال
اقدی ایلہ تمیز علیہ اسکچه یه تابع کر ججیلر قریه -
سندہ ساکن زراعدن حاجی امین اغا وکیل یاقو
ماموبلو اقدی تعیین اولنان کونده دائرہ کلدکلرندن

ایضاحات شفاهی لری استماع قلندی .

اعلام مذکورک مالی مومی الیه امین اغانک
مزبور حاجی سونیدی ایلہ عقد ایتمش اولدینی شر-
کتدن دولایی سرمایہ اولہرق اعطایلدیکی ایکی
یوزلیرا ایلہ یوز مجیدیہ مقابل نقداً وکراستہ
انسانی اولہرق مقبوض اولان مبالغدن متباقی
مطلوبی اولدینی تحقق ایدن اون بیک طقوز یوز
قرق الی غروشک مزبور حاجی سونیدیدن
تحصیلنہ غیباً حکمدن ومستدعی حاجی سونیدی
وکیلی جلال افندیکنک اشبو حکم علیہندہ کی
اعتراضاتکنک خلاصہ سی دعوی بشیک غروشی
متجاوز اولدینی حالہ محکمہ جہ سنداً اثبات
مدعا اولغسی لزومہ عدم دقتیلہ برابر رؤیت
محاسبہ ضمنندہ ایشیک برقومیسونہ حوالہ ایدلا-
سی مخالف قانون اولدیفندن بختلہ اعلامک نقضی
ویمیز علیہ وکیلی یاھو افندیکنک نتیجہ جوابی دخی
اعتراضات واقعہ واهی اولغسلہ ردی واعلامک
تصدیق طلبندن عبارت بولنمشدر .

ایجابی مذاکرہ اولندقدہ اعلام مذکور
مندرجاتنہ نظر ادعوی واقعہ حقندہ اولجہ اسکچہ
محکمہ تجارتندن غیباً صادر اوچن اعلام علیہندہ

استیناف دعواسنہ قیام اولغسنہ مبنی کوملجنہ بدایت
محکمہ سنجہ استینافاً تدقیق کیفیتلہ اعلام غیبی
مذکورک فسخیلہ محکمہ بدایتہ اعادہ مصلحت
اولندقدن صکرہ برمنوال محررحکم اعلام ویرلدیکی
مستفاد اولغسنہ وحابوکہ اصول محاکمہ حقوقیہ
قانون موقتکنک بوزطقسان التنبی مادہ سنک فقرہ
ثانیہ سندہ محرر اولدینی اوزرہ عند الاستیناف
بدایت اعلامک فسخندن صکرہ دعوانک محکمہ جہ
یکسندن رؤیت وحکم اولغسی لازم کلور ایکن
مصلحتک بدایت محکمہ سنہ حوالہ سی قانونہ مخالف
اولدینی کی بدایت محکمہ سنجہ محکمہ استینافیہ نک
وقوع بولان حوالہ سی اوزرینہ رؤیت دعویہ
کریشلہ رک تکرار حکم ویرلمی دخی قانون مغایر
واشبو مغایرت نقض حکمی مستلزم اسبابدن بولندیغہ
بناءً قانون مذکورک ایکوز قرق برنجی مادہ سی
موجبجہ اعلام مذکورک نقضنہ وزیردہ مفرداتی
مرقم اوچیوز الی درت غروش مصارف تمیزیہ نک
ایلرودہ حقسزجیقہ حق طرفہ رجوع ایتمک
اوزرہ اول امردہ مستدعی حاجی سونیدیدن
الغسنہ ۲۲ اغستوس سنہ ۳۰۴ تاریخندہ متفقاً قرار
ویریلہ رک تفہیم قلندی .

محکمہ استیناف تجارت قسمندن ۲۸ تموزسنہ
۳۰۳ تاریخی والتمش اوچ عددی ایلہ صادر اولان
اعلامک تمیزیی استدعا ایدن بک اولغسنہ هوا
زقاغسنہ ایکی نومرولی خانہدہ ساکن تجارتدن
خرملبوس لاغوس وکیلی ملتیدی قرہ دوکیرو
ویمیز علیہ درسعادت تراموای شرکتی وکیلی آپستو-
لیدی افندیلر تعیین اولنان کونده دائرہ بکلمد .
کلرندن ایضاحات شفاهی لری ایلہ باش مدعی عمومی
معاونلرندن سعادتلو یورغاکی افندیکنک مطالعہ سی
استماع قلندی .

اعلام مذکورک نتیجہ مالی مرقوم خرملبوس
لاغوس ایلہ شرکت مذکورہ بینندہ منعقد مقاولہ
موجبجہ عاقدین بینندہ ظهور ایدہ جک بالجللہ
منازعاتک حکملر معرفیلہ حل وفضل اولغسنک
مقررایدوکی مبرز مقاولہ نامہ مندرجاتیلہ متبیین
اولدیفنہ بناء دعوانک میزلرہ حوالہ سنہ دائرایکنجی
محکمہ تجارتندن ویریلان قرارک اصول محاکمہ
حقوقیہ قانون موقتکنک التنبی مادہ سنک
لاحقہ سی موجبجہ نتیجہ حکمی احساس ایندیرر
قرارلرندن معدود وقابل استیناف اولدیفندن بختلہ
مرقوم خرملبوس لاغوس طرفدن اعطا قلنان
استیناف استدعاسنک ردینہ حکمدن ومستدعی

وکیلی ملتیدی قرہ دوکیرو افندیکنک اشبو اعلام
علیہندہ کی اعتراضاتکنک خلاصہ سی حکم ابتدائی
دعوانک رؤیت وفضل ضمنندہ میزلرہ حوالہ سنہ
متدائر اولوب قطعی وقابل استیناف اولدینی حالہ
استیناف استدعاسنک ردینہ قرار ویرلمی مغایر
قانون اولدیفندن اعلامک نقضی ویمیز علیہ شرکت
مذکورہ وکیلی ابوستولیدی افندیکنک نتیجہ جوابی
دخی قرار ابتدائی قطعی اولدیفندن استینافی غیر
جائز اولدینی بیانیلہ اعلامک تصدیق طلبندن
ومعاون مومی الیہک مطالعہ سی دخی دعوانک
قطعیاً فصلی ضمنندہ میزلرہ حوالہ سنہ دائر اولان
قرار ابتدائیکنک قطعی وقابل استیناف بولندی
بیانندن عبارت بولنمشدر .

ایجابی مذاکرہ اولندقدہ اعلام مذکور
مندرجاتندن منقہم اولدینی اوزرہ محکمہ استینافیہ-
جہ استناد اولان اصول محاکمہ حقوقیہ قانون
موقتکنک التنبی مادہ سنک لاحقہ سندہ محرر
اولان میزدن مقصد دعوانک تسهیل رؤیتی ایچون
انتخاب و تعیین اولہحق میزلر دیمک اولوب
یوقسہ دعوانک قطعاً حل وفصلی ایچون حکم
صفتی حائر اولہرق تعیین قلنان میز اولدیفنہ کورہ
قرار ابتدائی مذکور قطعی وقابل استیناف بولنمشکن

محكمة استئنافیه بر منوال محرر استئناف استدا
سنگ ردینه قرار و بر لمسی قانونه مغایر اولدیفنه
ومعاون مومی الیهک مطالعه سی شایان قبول
بولدیفنه بناءً اصول محاکمه حقوقیه قانون موقتک
ایکیوز اوتوز ایکنجی ماده سی موجبیه اعلام
مذکورک نقضه وزیرده مفرداتی محرر اوچیوز
اللی سکر بچق غروش مصارف تمیزیه نک ایلروده
حقسز چیه حق طرفه رجوع ایتک اوزره اول
امرده مستدعی خرملوسدن التمسنه ۲۲ تشرین
اول سنه ۳۰۴ تاریخنده متفقاً قرار و بر یله رک
طرفین وکیلربنه تفهیم قلندی .

صاروخان بدایت محکمه سندن ۱۲ تشرین
ثانی سنه ۳۰۱ تاریخی و اوتوز ایکی عددی ایله
ویریلان اعلامک تمیزینی استدا ایدن کوردوس
قضاسنک دره قریه سی اهالیسندن حاجی ابراهیم
ومنلا مصطفانک وکیل اوخانس موسدیحیان
افندی تعیین اولنان کونده کلش ایهده مدعی علیه
قریه مذکورده مقیم صغیر اسماعیل و صیسی حاجی
حسین اغا کلدیکندن وکیل مومی الیهک ایضاحات
شفاهیه سیله باش مدعی عمومی معاونی سعادتلو
یورغا کی افندی نک مطالعه سی استماع قلندی .

اعلام مذکورک نتیجه حکمی مرقومان حاجی
ابراهیم ومنلامصطفی ایله صغیر مزبور اسماعیلک
متوفاة فاطمه خاتونک پدرلی متوفی حاجی مصطفی
اغادن انتقالاً مشترکاً عهدۀ تصرقلرنده بولنان
یدی قطعه ترلادن صغیر مرقوم اسماعیلک والده
سی مزبوره فاطمه خاتونک حصۀ مصیبه سی اولدینی
مرقومونک اقرارلری استماع ایتش اولان ایکی
نفر شاهدلرک شهادتربله تین ایتدیکندن بحسبه
متوفاة مزبوره دن اوغلی صغیر مرقومه ارثاً انتقال
ایدن حصه نک مجله نک بیک سکر یوز اون سکرنجی
ماده سنه نوبقاً تقریقیه مرقومانک معارضه دن
دائر کوردوس بدایت محکمه سندن صادر اولان
اعلام ابتدائینک تصدیقه قرار و برلیدیکندن
ومستدعیر وکیل اوخانس موسدیحیان افندی نک
قرار مذکور علیه ده کی اعتراضاتک خلاصه سی
انهای محاکمه ابتدائیه ده مدعی عمومی بولندیرلماسی
و قرار استئنافینک بر ماده قانونیه بنا ایدلماسی
مغایر قانون اولدیفندن اعلامک نقضی و مدعی
علیه حسین اغانک جوابی اعتراضات مسروده نک
ردیله اصول وقانونه موافق اولان اعلام مذکورک
تصدیق طلبندن ومعاون مومی الیهک مطالعه سی
دعوانک رؤیتی محکمه نظامیه نک وظیفه سی
خارجنده اولدینی بیانندن عبارت بولمشدر .

ایکی وایکیوز قرق برنجی ماده لری موجبیه
اعلامک نقضه وزیرده مفرداتی مرقم اوچیوز
قرق اوچ بچق غروش مصارف محاکمه نک ایلروده
حقسز چیه حق طرفه عائد اولق اوزره مستدعیر
دن استیفا سنه ۱۸ اغستوس سنه ۳۰۴ تاریخنده
متفقاً قرار و بر یله رک تفهیم قلندی .

محکمه استئناف حقوق قسمندن ۱۹ تشرین
ثانی سنه ۳۰۴ تاریخی و یوز اوتوز ایکی عددی
ایله ویریلان اعلامک تمیزینی استدا ایدن قاسم
باشاده قورد چلبی محله سنده اوتوز بش نومرولی
خانده متمکن حاجی مصطفی افندی وکیل روین
قیو بحیان افندی ایله بمنز علیه قاسم پاشا جامع کیر محله
سنده اوتوز اوچ نومرولی خانده ساکن قول اغاسی
ابراهیم ادهم افندی یوم معینه دایره کلدکرندن
ایضاحات شفاهیه لری استماع قلندی .

اعلام مذکورک مالی مومی الیه ابراهیم ادهم
افندی نک بشماق چران زقاغنده کائن اوتوز درت
نومرولی خانه عرصه سی مبايعه ایتک اوزره مومی
ایله طوغله جی حاجی مصطفی افندی به ویرمش

ایجابی مذاکره اولدقدقه اعلام مذکور
مآلندن اکلاشلدینی اوزره حضور حا کک غیری
محلده وقوعبولان اقرار دعوالرینک اقامۀ شهود
ایله اثباتی اقرارک صحتیه دلالت ایدن اماراتک
وجودیله مشروط ایدوکی اصول محاکمه حقوقیه
قانون موقتک التمس طقوزنجی ماده سنده صراحة
محررا یکن درجه اولی محکمه سنجه وقوعبولان
شهادتده دلیل واماره اولوب اولدینی حقنده
تدقیقات اجرا اولدیفنه دائر حکم محلنده برکونه
اسباب موجبیه کوسترلیدی کی شاهدلرک سرأ
وعلاً تذکیر اولدقلرینک دخی ذکر و بیان اولنما
مسی ومع مافیه کرک شهادت واقعده کرک
اعلامک حکم محلنده صغیرک منازع فیه اولان
ترلرده نه مقدار حصه سی اولدیفنک بیان اولنمسی
مقتضی اولدینی حالده بوجهتک مجهول براغلمسی
ودعوانک صغیره متعلق اولمسی حسیله
حین محاکمه ابتدائیه ده مدعی عمومینک حاضر
بولندیرلماسی اعلام مستأنف بهک فسخی موجب
احوالدن بولنمشیکن صاروخان بدایت محکمه سنجه
بورالری نظردقه التمسزین حکم ابتدائینک تصد
یق قلنمسی مغایر اصول وقانون بولتمش ومعاون
مومی الیهک مطالعه سی شایان قبول کوریه مامش
اولدیفنه بناءً قانون موقت مزبورک ایکی یوز اوتوز

اولدینی تحققی ایدن یوز اوتوز طقوز عدد لیرانک
مع فائض بالغ اولدینی یوزیتش طقوز لیرانک حاجی
مصطفی افندیدن تحصیلنه قرار ویرلدیکندن
و مستدعی وکیل رومن قوجیان افندیسک اشبو
حکم علیهنده کی اعتراضاتک خلاصه سی مبلغ
مدعاه موکله امانه ویرلیوب جانب محلولاتدن
موقع مزایده یه قونیان برقطه عرصه نك اشتراسی
ضمننده ویرلدیکی موکلیتک بوباده اجرا قلن
تحلیفی ایله محقق ومومی الیه ابراهیم ادهم افندیسک
مذکور عرصه یه پی سوردیکی دخی مزایده بوصله
سند کی امضاسیله ثابت ایکن بورالینه دقت
اولنیه رق حکم اولنسی مغایر قانون اولدیفندن
بخله اعلام استینافینک تقضی ومدعی علیه ادهم افندیسک
نتیجه جوابی دخی مبلغ مدعاه امانت اولدینی
خصمنک تحایفیه ثابت اولوب پی سورمکلیک
دخی دعوا یه تأثیری اولیه جفی واذن متولینک
عدم وقوفندن طولایی فائض طلبنه حتی درکار
بولدینی بیانیله اعلامک تصدیقی طلبندن عبارت
بولنمشدر .

مابعدی وار

اعلان

شهباز نظرت افندیسک محکمه تجارت اعلامیه

جستمان پرتونیال والده سلطان طاب تراها
حضر تلیسک وقف شریفی اداره سنه محکوم به
دینی اولان اچقه تسویه سیچون مدیون مومی الیهک
کدک پاشا قریبنده بوستان عالی محله سنده کلیسا
زقاغنده اون بش نومرو ایله مرقم اولوب دروننده
برباب بکچی کلبه سی حاوی وعلی التخمین یوز
قرق زراع تربیعنده برقطه عرصه بوندن اقدم
موقع مزایده یه قونیله رق عثمانلی لیراسی یوزغروش
اعتباریله سکزیبک غرو شده طالبی عهده سنده
قالمش وتاریخ اعلاندن اعتباراً اوتوز برکونه یعنی
کله جک نیسان رومینسک التنجی پنجشنبه کونی
ساعت اونه قدر یوزده بش ضم قبولی اولنسی
و ذکر اولنان یوم وساعتده صوک مزایده سی بالا اجرا
قرار قطعیمی ویریلرک طالبی عهده سنه بکورلمسی
مقرار بولنمش اولدیفندن واندن صکره هر نه ضم وقو
عبولورایسه قبول اولنیه جفتدن مذکور عرصه یه
یوزده بش ضمیه طالب اولنلرک ودها زیاده معلومات
المق ایستیانلرک بدل مزایده نك عشرینه مساوی
پی اچقه سیله برابر مدت مرقومه ظرفنده محکمه
تجارت اجرا دآثره سنه مراجعت ایلملری وبوم
وقت مذکورده مزبور عرصه پیشگاهنده حاضر
بولنملری دائرة مذکورده دن اعلان اولنور .

فی ۶ مارت سنه ۱۳۱۱

(مطبعة عامر ده طبع اولنمشدر)